

ZDRAVO!



**AKAVA ISI SO MORA TE DZANEN AKO
BESHEN ANDO STÅNGÅSTADEN**

— te shaj te ovel o beshipe amenca lokho hem shukar.
Bash te ovel sarinenge shukar.



KEDA KA AVEN TE BESHEN KATHE

- **Keda kam avel** o vreme te aven te beshen ando tumaro nevo stani, ka dzan te len o klichia kotar Bobutiken (e Stanengi Kancelarija) ko Repslagaregatan 31. Shaj te aven te len o klichia kotar 12 o saati, odova dive keda tumaro kontrakto/fatrago pochminel. Ma bistren te anen tumenca o lichne karte ili pashosha.
- Ma bistren da mora te avel tumen khereski siguraija keda ka aven te beshen ko stani. Javinen tumen amenge ko akava broj: 013-20 85 00 hem amen shaj te das tumen po vishe informacija.



Dikhen jekh kratko filmo sar te len/irinen o klichia ko stangastaden.se/filmer



KEDA KA IKLJOVEN AVRI KOTAR STANI

- **Ako planirinen te** ikljoven avri kotar stani, tumen mora te staninen/achaven o stanesko kontrakto trin masek po angle so ka dzan tumenge. Mora te achaven o kontrakti pisindoj jekh lil ko Stångåstaden, ili shaj te dzan ko jekh kotar amare kancelarije ili ko amaro website. Na primer, ako bi mangena te ikljioven avri kotar stani ko pirvo Majo, amende mora te resel o lil so ka dzan tumenge dzi ko, naj kasno, 31 Januaro.
- Keda ka krejnen e stanesko kontrakto, o manusha so ka mangel te lel kirijasa o stano, shaj te avel te dikhel les. Tumen mora te dozvolinen e manushenge te aven te dikhen o stani, ili te dozvolinen o Stångåstaden te mothovi e manushenge o stani.
- **Keda ka ikljioven** avri kotar stani, mora te irinen o klichia. Shaj te irinen o klichia ko Bobutiken (e Stanengi Kancelarija) ko Repslagaregatan 31, dzi ko 12 saati naj kasno, ko pirvo kraje e kurkesko ando masek.
- Anglal te ikljioven avri kotar stani, mora te chistinen shukar o stani thaj o podrumi kaj so ine tumare sheja. Ako na ka chistinen shukar o stani, ondak mora te platinen o chistibe ko Stångåstaden.

Ako mangena te ava te dikha dali chistinden shukar, shaj te vikinen jekh inspektori anglal so ka ikljioven kotar stani. Javinen tumen hem keren rezervacija po angle ko 013-20 85 00.



- **SUGESTJE!** Ki desno strana si lista hem odori pisini sa so mora te cheren keda ka muken o stani hem so te chistinen te shaj te nakhen e inspekcija.
- Mangen te len kirijaa nekas koro tumende, te den le avere nekase ili te promin en o stanija? Mora uvek te len dozvola kotar Stångåstaden te shaj te cheren odova. Javinen amen ko 013-20 85 00 za vishe informacija.



PHENEN O KRIVICE

- **Ako desini pe krivica ili ako phagel pe o stani,** mora te phenen odma ko Stångåstaden's korisnichki servis. Shaj te cheren odova ko amaro website ko **stangastaden.se** ili ko telefoni 013-10 02 84 Pondalniko-Parachuj kotar 07.00 ko 17.00. Mora odma te namislini pe e krivica ili o phageripe? Javinen ko Stångåstaden-ako hitno broj, 013-14 84 44, Pondalniko - Parachuj palo 17.00 hem Savato hem Kurko. Ma bistren da shaj te javinen tumen ko hitno broj samo ako mora te namislini pe odma e krivica, na primer ako kapini pani.



SHTETECHINE

- Dikhlen bubashvabe, stenice, pacovi ili chermuse ando stano? Phen amenge odma! Ma te den maro e chiriklen ko balkoni, terasa ili pendzera. E habeneski reshta anel e pacoven hem e chiriklen.



Dikhnen jekh kratko filmo pala e cheresse shtetochine ko **stangastaden.se/filmer**



JAG

- **Si jekh churosko detektor i po tavani ando tumaro stani.** Ma te ikalen le. Si vashno te achel po than. Pochmija te pishtini? Phen odma ko **stangastaden.se** ili javinen tumen ko 013-10 02 84, hem ka dobinen jekh nevo bizo pare.

Lista – Spremibe

- Phen en keda promin en i adresa i namislinen te avel tumenge i poshta ki nevi adresa
- Transferin/pisinen ko tumaro anav tumari struja
- Transferin/pisinen ko tumaro anav tumaro telefoni hem interneti
- Ikalen sa o tepike
- Dikhnen ako si neshto rumimo hem namislinen le
- Irinen ko than sheja so ikalden avri



Lista – Chistibe

Kujna

- Tavani hem zidija
- Pendzere: rame, staklo hem pshal
- Radiatora
- Vazduhose ventilacije
- Sijalice/ Lusterja
- Shtekja
- Shporetiski ventilacija hem filteri
- Pala hem tela shporeti, hem avrijal
- Shporeti andral, tepsije hem regalja
- Shpais
- Regalja ki kujna, fjoke, andral hem avreal
- Regalea za habe
- Fridzideri, zamirzivaci, hem fjoke
- Chistibe regal e charengo
- Udara hem ramja
- E pshal ki kujna hem e pshal za chinibe
- Mjioniko hem o than uzal
- Patos hem o tikne phala uzal

Soba

- Pendzere: rame, staklo hem pshal
- Radiatora hem palal lende
- Shtekja
- Vazduhose ventilacije
- Garderoba hem shifonerija
- Tavani hem zidija
- Udara hem ramja
- Patos, o tikne phala uzal hem o rame e udarese

Kupatilo hem thoiipnasi soba

- Tavani hem zidija
- Lusterija
- Kupatilosko regal hem gledalo
- Vazduhose ventilacije
- Kada (hem telal hem pali plata)
- Toaleta (hem pali toaleta)
- Mjioniko hem telal
- Ceshma hem cevija
- Udara, rame udarengo hem phalea uzal
- Patos
- Cevija telal
- Shifoneri za shukiearipe, ako isi
- Mjioniko, ako isi
- Shejengi mashina, ako isi
- Shukearimaski mashina, ako isi

Avera strane

- Podrumo
- Garaza, ako isi
- Balconi/terasa, ako isi





1. Chistinen o sporeti



2. Potrebinen sijaj



3. Khosen shukar




4. Ma bistren o filteri




Ma muken sheja ko stepenice. Sortirinen tumaro dzubre.



Ma te forden zitrini ko mioniko se ka phanden pe o cevija.



- Mudaren sa e kujnjaki elektrika , sar so si e kafaki mashina hem e mashina ko cheravi o pani, kedi zavirshiden te potrebinen len. Ikalen kotar struja o punijacha, laptop ili tableta keda lengi baterija si veci pherdi. Akava cherel te avel naj tikno risiko te dolel pe jag.
 - Chistinen o filteri kova chistini o vazduh ko sporeti, po chesto. Odori chedela pe zitrini keda keren mareja hem shaj te dolel pe jag. Potrebin normalno sijaj keda chistinena. Dolisali jag kotar zitrini? Ma te mudaren e jag panjeja, nego ucharen e jag.
 - Ma te instalirinen tumare shtekija strujake ko stani. Ma te chiven frigideri/zamirzivaci ko balkoni ili ko podrumi.
-  Dikhen jekh kratko filmi sar te ovel naj tikno o riziko te dolel pe jag ko stangastaden.se/filmer
- **Ko stepenice** ni troman te muken igrachke, bicikle, kolice, reklame ili neshto lichno. Akala sheja shaj te oven opasno ako dolel pe jag, ili ako manusha kotar hitno pomoc mora te khuyen ili te ikljion kotar kher.
 - Ko podrumi hem ki garaza nashti te icheren sheja kola shaj te dolen pe ki jag, hem elektrikake sheja so itane ki struja. Ki garaza shaj te muken pe samo tumare vorda, gume **hem jekh tikno baloni benzineja**. Ako isi tumen jekh centralno garaza, sminena te icheren samo vorda odothe.



DZUBRE

- **Si vazno te sortirinen o dzubre.** Ma te forden sa o dzubre ki jekh isto vreacha. Sortirinen tumaro dzubre ko papiri, staklo, plastichno, metalno hem baterie hem forden le ko dzubresko kontaineri kova valeani. Ako isi po vishe dzubre, ondak forden le ko normalno dzubresko kontaineri.
- **Kerden mareja zitrineja?** Nikad ma te forden o zitrini ko cevija, hem ma forden le direktno ko dzubre. Ako isi hari zitrini ki tiganija, khosen le papireja hem forden le ko normalno dzubre. Ako isi po vishe zitrini: choren o zitrini ko jekh kontaineri so shaj te phandel pe. Forden o kontaineri ko normalno dzubre.
- Zeleno vrebbe shaj te arakhen ki recycling soba kaj si elektrichno dzubre.



Dikhen jekh kratko filmi sar shaj te sortirinen o dzubre ko stangastaden.se/filmer



KOMSHIJE

- **Mothoven respekto premal** tumare komshije, na primer ako potrebinen burgija ili shunen muzika. Mothoven respekto celo vreme, dive hem reat. Ma te pushinen ko lifti, ko stepenice, ki soba kuri thoven pe o sheja, ko telutno ili ko oprutno podrumi. Ako pushinen ko balkoni, shaj te smetini e komshijenge. O cigare so si mudarde, chivena pe ki pepelara ili ko dzubre. Samo elektrichno skara shaj te potrebil pe po balkoni.
- Isi tumen puchipena ili komentarura pala akava so si pisimo akate? Kontaktin Stångåstaden ko 013-20 85 00. Kotar pondalniko dzi parachujne palo 17.00 thaj savato hem kurko shaj te javinen tumen ko Stångåstaden-ako hitno broj 013-14 84 44, za pomoch.
- **Mora te chistinen e soba** kaj thoven o sheja, keda gotovo ijen tumare shejenca. Isi liste ki soba kaj thoven pe o sheja, odothe pisine pe so hem sar mora te chistini pe keda gotovo ijen.



Dikhen jekh kratko filmo sar te icheren chisto e soba kaj thoven pe o sheja ko stangastaden.se/filmer



TERASA HEM BALKONO

- Si tumen luludza ande kutije e luludzange po balkono? Chiven le andral o balkono. Keda choren pani e luludzenge, ma muken te dzal opani ko balkoni e komsijengo.
- Mangen te namislinen jekh satelisko avreal? Javinen tumen ko telefoni ko Stångåstaden 013-20 85 00.
- Mora te pazinen/icheren tumari terasa ili balkoni. Kinen tumenge so valeani te shaj te icheren le. Make sure to buy the necessary equipment for maintaining it.
- Ako pazinen tumari terasa ili balkoni svako puti, ondak na ka ovel but buti svako puti.



Dikhen jekh kratko filmi sar te cheren te ovel shuzo o balkoni ili e terasa ko stangastaden.se/filmer





Khosen o praho jekhe kirpaja chistibaske.



Khosen o praho jekhe kirpaja chistibaske.

O pendzere morat e oven phravde opre, te shaj te khuvel vazduh.



1. Chistinen o patos.



2.



3.



4.



NAMISLINEN TUMARO KHER

- Mangen te makhen o zidija, te chiven tapeta ili te prominen aver diso ko stani? Kontaktin o Stångåstaden ko 013-20 85 00 hem amen ka phena tumenge so sminena hem so na.



PAZINEN TUMARO KHER


- Ma te keren grope ko plochice, sose shaj te phagen o kher. Shaj te chistinen o makhle zidija jekhe kirpasa. Pazinen te na oven mirsno flekija ko zidija hem te na oven phage.
- Chistinen o patos jekha kirpasa hem sijajesa so nane zoralo. Ma potrebinen kloro.
- Chistinen o kupatilo jekha kirpasa hem sijajesa so nane zoralo. Ma te thoven o patos panjeja kotar dusho direktno. Ako si but pani, shaj te rumini pe o ppatos. Potrebinen zaveze za dusho.
- Chistinen o fridzideri andral hem o cevo kotar mjoniko po chesto. Muken o zarmirzivachi te pomukel pe, ikalen le kotar struja hem phraven leso udar. Ma te pokushinen te phagen o led. Keda ka mukel pes o led, cheden o pani ko jekh kontaineri kozom te na chorel pe po patos.
- Jekh stani, normalno si le jekh shporeti hem po vishe vazduhose ventilatorura. Icheren chisto hem bizo praho hem mel, e vazduhose ventilacije hem o filteri e vazduhoso kotar shporeti.
- Forden samo toaletako papiri andre ki toaleta, te na phandel pe o cevo. Chistinen o cevo chesto.



Dikhen jekh kratko filmo sar te pazinen tumaro kher ko stangastaden.se/filmer




O KVALITETI E VAZDUHOSO ANDO STANI

- Te ovel sigurno jekh shukar vazduho hem shukar temperatura ando stano, e vazduhose ventilacije mora te oven uvek chisto hem phravde. Ako ka phanden le, e temperatura ando stano ka perel. Mangen te phraven o pendzere te luftirinen o stani? Phraven celo pendzera, ama na but vreme. Ma chiven nameshtanije ili phare zaveze anglo radiatora.
-  Dikhen jekh kratko film palo vazduh ando stani ko stangastaden.se/filmer



ENERGIJAKE INFORMACIJE

- Kontaktin amen ako kapini pani ko mjoniko hem ki toaleta. Vishe sar 1,000 litre pani shaj te nashalen pe svako dive ako kapini ki toaleta. Odova zanchini skoro efa kade pherde pani.
- Ma te chiven nameshtanje ili phare zaveze anglo radiatori, sose o tatipe na ka dzl ki soba. Sar primer, chiven o couch 10-20 cm dur kotar radiatori, te shaj te dzal o tatipe ki soba.
- Potrebin preduzeni kabla so shaj te mudarel pe, ako isi tumen TV, DVD, etc. Sa shaj te mudarel pe keda ka muken tumen ki dukma, ondak shaj te shparinen struja hem te ovel tikno o risiko te dolel pe jag.
- Keda thovena tumare sheja, oven sigurno da e mashina si pherdi. Isto struja troshini pe ako thovena jekh shej ili sko thovena celo mashina shejenca. Ma te potrebinen vishe prashko, sose ka ruminen pe tumare sheja. Pe kutija e prashkosi pisini pe kozom prashko te potrebinen.
- Kontrolishinen o gume ko pendzere hem ko udara. Ako si chinde ili falinen, kontaktinen o Stångåstaden.
- Aver nachenje sar te na troshini pe struja si te mudaren o sijalice keda ikljioven kotar jekh soba ili keda dzan avri kotar stani, ma te thoven o chare hem te muken o pani te dzal ham te potrebinen normalno sijaj/na zoralo.



Ako e ventilacije za vazduh si chisto hem phravde ando tumaro stani, ondak o vazduh menini pe svako duj saatja.



Preduzni kabla dukmaja.

HEM PANA NESHTO...

Ko kherengo zakono si pisimo so mora te respektinen o manusha o den kirijaa khera hem so len kirijaa khera. Puch amen ako mangena te dzanen vishe!



stangastaden.se